



Caderno da crítica

Cuestionario Proust: Héctor Cajaraville

[Ramón Nicolás](#) 15 Marzo 2016

1.– Principal trazo do seu carácter?

– A curiosidade universal por todo canto me rodea.

2.– Que calidade aprecia máis nas persoas?

– A capacidade de empatía, de poñerse no lugar do outro.

3.– Que agarda das súas amizades?

– Nada.

4.– A súa principal eiva?

– A timidez.

5.– A súa ocupación favorita?

– Desde hai un tempo, correr.

6.– O seu ideal de felicidade?

– Nesa mesma liña, os últimos 195 metros dunha maratón.

7.– Cal sería a súa maior desgraza?

– Perder a vista.

8.– Que lle gustaría ser?

– Profesor.

9.– En que país desexaría vivir?

– Portugal.

10.– A súa cor favorita?

– O Pantone 7474 C.

11.– A flor que máis lle gusta?

– A da pataca.

12.– O paxaro que prefire?

– Pingüín. Se serve como paxaro, que non sei...

13.– A súa devoción na prosa?

– García Márquez.

14.– E na poesía?

– Absteño-me debido á miña formidable ignorancia neste xénero.

15.– Un libro?

– *El amor en los tiempos del cólera*.

16.– Un heroe de ficción?

– Xesús Cristo.

17.– Unha heroína?

– Hai algunha muller que non o sexa nalgunha medida?

18.– A súa música favorita?

– A maioría, de cantautores: fíxome máis na letra que na melodía.

19.– Na pintura?

– El Bosco.

20.– Un heroe ou heroína na vida real?

– Calquera capaz de arriscar a vida na procura doutra mellor para el ou ela e para os seus.

21.– O seu nome favorito?

– Héctor/Héitor non está mal.

22.– Que hábito alleo non soporta?

– Os golpiños co cóbado durante unha conversa para reclamar a túa atención.

23.– O que máis odia?

– A inxustiza en calquera das súas infinitas manifestacións.

24.– A figura histórica que máis despreza?

– Os militares que encabezaron o bando sublevado e desencadearon a guerra civil española.

25.– Un feito militar que admire?

– Non é un feito, son tamén figuras históricas: os voluntarios das Brigadas Internacionais que tomaron parte nesa contenda.

26.– Que don natural lle gustaría ter?

– A facilidade de palabra.

27. – De que maneira lle gustaría morrer?

– Lúcido.

28.– Cal é o seu estado de ánimo máis habitual?

– Levemente esperanzado no medio do cataclismo.

29.– Que defectos lle inspiran máis indulxencia?

– Os que se derivan da ignorancia máis que da mala intención.

30.– Un lema na súa vida?

– Ninguén é máis nin menos ca ninguén.